

Tau koloa 'fakaako ke he tau kaina'

Tau Veveheaga Vahega 4-8

Kia mahani totonu • Kua aulua ni a tautolu ke he fekau nai • Loga e tau mena ke moua aki e tau fakaakoaga • Fakatumau ke matutaki • Taute e tau puhala ke lata mo e fakapahiaga he tau gahua mae aho • To mafola a tautlu

TAU FAKAILOAAGA MAE TAU MAMATUA MO E TAU MAGAFAOA

Amanaki a mautolu to fiafia a mutolu ke he tau koloa fakaako ki loto he puha nei.

Hanei e tau koloa fakaako i loto he puha nei, tau fakaakoaga ke he tau numela, science mo e totou. Tau gahua fakaako nei ke lagomatai aki e tau fakaakoaga he haau a tau fanau ke he tau kaina ke he magaaho nei.

Liga kua fita ni e tau faiaoga he matutaki atu ki a koe mo e tau fanau. Ki loto he puha nei e tau gahua fakaako ke maeke ke fakaaoga mo e tau gahua fakaako ne kua foaki atu he tau aoga. Manatu ke matutaki tumau mo e tau faiaoga he tau fanau kaeke kua fai huhu a koe ke lata mo e tau gahua aoga ha lautolu.

Moua e tau fakaakoaga ke he tau magaaho oti, ti mitaki lahi e tau fakaakoaga ka fakafiafia mo e alaala. Lali ke ua tupetupe ti ua faka-kavega lahi a koe mo e haau a tama ke he lahi he tau gahua ke taute. Manatu ke fakatoka taha magaaho ke okioki ti taute mena aulua.

Fakaau e lahi ke he haau a tau gahua ke lagomatai aki e tau fakaakoaga he haau a tau fanau.

Ko e heigoa i loto he tau puha fakaako nei?

Tau koloa fakaako ke lata mo e Science

Science-haia he tau matapokopoko oti, haia ke he kaina. Science-ke onoono fakamakutu, tutala ke he tau mena tutupu ti kumikumi ke iloa atu foki.

Kaeke ke huhu atu 'e tau fanau-gahua fefe e mena nei?', poke 'ko e heigoa ke taute kaeke kua?' kua manamanatu a lautolu tuga e Scientist. Maeke ke kumikumi fakalaulahi atu ke iloa atu foki, fefe e tau kai ka tao, kumikumi atu ke he tau mena momoui i fafo, talaga e fakataitaiaga malolo tuga e matapatu ke lata mo e fale ti kumikumi atu ki ai.

Fakaaoga e tau pepa fakaako - Start Right workbook:

Ko e tau pepa fakaako nei *Start Right Science workbooks* haia e tau gahua i loto ke lata mo e Science. Tau fakaakoaga ki loto he pepa ne toka ai e tau mena ke taute mo e kumikumi ki ai e tau fanau, tau fakatino, tau huhu mo e tau puzzles, fakatatai atu ke lata mo e matapatu ne kua kumikumi ki ai. Maeke e tama haau ke fakamau e tau kumikumiaga ki loto he pepa nei, ti fifili e tau fakaakoaga ne kua manako a lautolu ke taute. Lata ke gahua mo e taha tagata lahi he magafoa ke lagomatai ke maama e tau kupu ke lagomatai aki e matapatu ne kumikumi ki ai. Tutala ke he tau fanau ke he ha lautolu a tau kumikumiaga, heigoa e tau manatu ke he tau kitiaaga, ko e ha he manatu e lautolu ne pihia ai. Fakaohoo atu ki a lautolu ke fakakite mo e fakamaama fakamitaki ha lautolu a tau manatu mo e tau talahauaga.

Igatia a koe mo e tau fanau ke fifili ke he tau fakaakoaga i loto he pepa ne kua kitia kua mitaki mo e fiafia ke taute. Ua amanaki ke taute oti he tau fanau e tau fakaakoaga i loto he pepa.

The Building Science Concepts book:

Fakaaoga he tau faiaoga e tau pepa nei he aoga. Liga lata ia koe ke lagomatai e tau fanau ke fifili e tau fakaaoga ne kua lata ke taute i kaina. Kikite ke he "Fakaaogaaga he Pepa" laupepa 2 ke iloa atu foki e tau fakamaamaaga.

Tau Pepa ke he tau Numela:

Tau Numela ne kua tohi ki loto he tau pepa *Cultures and Communities* ke lagomatai aki e tau fanau haau ke moua e maamaaga ke lata mo e fakaaogaaga he tau numela ke moua aki e tau tali ke lata mo e tau word problems. Ne fakaaoga e tau tala mai he tau momoui tagata ke fakamatapatu mo e tohi aki e tau word problems. Maeke he tau fanau ke maama mo e fai matutakiaga ke he tau tala mooli ne fakaaoga ke lagomatai aki ha lautolu a tau fakaaoga.

Falu a puhala ke fakaaoga aki e pepa fakaaoko nei:

- » Fakaata e tama haau ke fifili e tau fakaaoga ne manako a lautolu ke taute. Ua amanaki ke taute oti he tau fanau e tau gahua i loto he pepa. Maeke he tau fanau ke taute taha poke ua e fakaaoga he aho.
- » Maeke he tau fanau ke gahua aulao ke he taha e fakaaoga. Fakaohoohe e tau fanau ke fe-tutalaaki ke he tau gahua ha lautolu ne taute mo e tau mena ne kitia mo e fe-huhuaki.
- » Ua tupetupe ke moua ni e tau tali kua hako. Huhu age ke he tau fanau ke tutala ke he tau manatu ha lautolu. Fakaaoga e vagahau ne vagahau mo e fakaaoga ke he kaina. Mitaki lahi ka vagahau ua e vagahau, lagomatai aki manamanatuaga mo e tau fakaaoga.
- » Maeke he tau fanau ke fakakite ha lautolu a maamaaga ke lata mo e tau numela ke he tau mena nei: ta e fakatino, tohi mo e fakaaoga e tau mena he loto kaina tuga e tau tupe (coins) mo e tau pogoti lupu.
- » Fakaaoga e tau fakaaoga ke kumikumi atu fakalahi e tau numela ne fa fakaaoga tumau he kaina.
- » Pekete lau-pele mo e dice i loto he puha mo e falu pepa foki. Pele mo e fakaaoga e tau board games mo e tau pele pepa ke fakaaoko aki e tau pele ne fakaaoga e koe he vaha tote haau.

Totou pepa:

Ko e tutala ke he tau fanau ko e taha lagomataiaga lahi a ia ke lata mo e tau totou ha lautolu. Maeke ia mutolu ke tutala ke he loga e tau mena kehekehe – tau kifaga moui, tau fakaholoaga TV, tau tala mai he magafaoa mo e tau tala ke he tau fanau he tau vaha ikiiki ha lautolu.

Fakaata e tau fanau ke fifili e pepa totou ne kua loto mo e fiafia a lautolu ki ai. Huhu age ki a lautolu ko e heigoa la e fakaotiaga he tala to totou e tala, poke lali ke manatu e tala ti liu ke tala ke he taha tagata he magafaoa. Taute poke fakamanaia e taha matapoko ke fuluola ke oatu mo e totou e tau pepa ha mutolu. Fakaaoga e taha vala he fale ne nakai fa fakaaoga he tau fanau mo totou pepa.

Haia foki e tau *Pepa Totou* (School Journals) i loto he puha, lagomatai aki e tau totou he tau fanau. Ke lagomatai aki e tau totou he tau fanau, tutala ki a lautolu, ko e heigoa ha lautolu ne totou ki ai.

Maeke ia koe ke:

- » kumi falataha mo e tau fanau ki loto he pepa totou (journal) ti fifili e tau tala ne liga kua fiafia a lautolu ke totou
- » manamanatu po ke heigoa ka tupu mai mua
- » fakatutala aulao ke he vala tala ne kua oti he totou
- » fetufatufaaki e tau manatu hagaa ke he tala, ko e heigoa ne kua fiafia a lautolu ki ai, ko e heigoa ne manako a lautolu ke iloa atu foki?
- » tufatufa mo e tau fanau e tau tala tutupu he magafaoa
- » fakaohoohe e tau fanau ke talahau ha lautolu a tau tala ki a koe mo e magafaoa.

Ko e tau pepa *Connected*, ke lagomatai aki e tau kumikumiaga he tau fanau ke he tau mena mooli ne tutupu, ke lata mo e tau Numela mo e Science.

Totou a koe ke he tau fanau, poke totou e tau fanau ki a koe, tau puhala ke fakaohoohe aki a lautolu ke manako ke totou. Maeke foki he tau fanau ke totou ke he falu a tagata he magafaoa.

Haia foki i loto he puha nei falu a kolao ke fakaaoga.



Tutala ke he faiaoga he tama haau

Manatu ke tohi mo e fakamau e tau mena ne taute mo e tau fanau haau. Maeke foki ia koe ke tufatufa mo e fakailoa ke he faiaoga he tama haau e tau mena nei.

Ko e tau koloa nei ke lalafi atu ke he tau lagomataiaga ke lata mo koe kaeke kua manako a koe. Fita ni e tau aoga he fakatokatoka ha lautolu a tau fakaholoaga ke lata mo e tau fanau. Tutala mo e faiaoga he tau fanau kaeke kua fai huhu a koe ke he tau gahua aoga ke taute he kaina.

Matutaki atu ke fakaaoga e tau fakaholoaga nei kaeke kua manako – Home Learning TV | Papa Kāinga TV programmes from TVNZ OnDemand:

<https://www.tvnz.co.nz/shows/home-learning-tv>

Leveki a koe

Mahuiga ke leveki fakamua e koe a koe ke malolo ke maeke ia koe ke leveki haau a magafaoa mo e Komuniti. To kautu a tautolu ke he fekau nai.

Manatu, nakai tokotaha a koe.

- » Fakatumau ke matutaki atu ke he tau paitiga haau, magafaoa mo e falu a tagata
- » Lali ke taute taha fakapapahiaga mae tau mena taute he aho, tatai e tau magaaho he aho ke taute e tau fekau, ala mai he mohe, tau magaaho kai mo e tau magaaho ke lagomatai e tau fanau ke he tau gahua aoga
- » Manatu ke leveki ni e koe a koe, totonu ke he magafaoa ti ua nimo ke fakamaoki ke he tau magaaho kua lata.

Mahuiga lahi ke leveki ni e koe a koe ke maeke ia koe ke leveki e magafaoa haau.

Kaeke kua tupetupe a koe ha ko e gagao COVID-19, ua tupetupe, ko e aga mo e mahani ke he tau mena oti.

Hanei falu a mena ke taute e koe ke lagomatai aki a koe ke ua moua ke he loto tupetupe:

- » Onono mo e fakanogonogo ke he falu ni a tau fakailoaaga ke he COVID-19 he tau aho takitaha. Fakanogonogo ke he tau tagata ne kua fai falanakiaga a koe ki ai.
- » Ko e mahani tupetupe ke he tau magaaho pehe nei ko e mena to mole atu ia.
- » Fakatumau ke matutaki mo e magafaoa haau, tau kapitiga mo e falu a tagata, kumi atu ki a lautolu ke he tau magaaho kua manako a koe ki ai.
- » To fai lagomataiaga ki a koe kaeke kua fakamooli e koe e tau tau fakapapahiaga gahua haau mae aho, ti pihia ni ka nofo a koe he kaina.
- » Ka logona e koe kua nakai mitaki poke nakai malolo a koe ni, mahuiga ke tutala ke he tau pulotu ne leveki ke he tau malolo tino. Tau lagomataiaga ke lata mo e fakaatukehe, fakaagitau, tupetupe he manamanatuaga-vilo, **ui atu poke tohi atu ke he 1737** – nakai fai totogi, he ha magaaho he tau magaaho, 24 e tula, 7 e aho he faahi tapu ke tutala mo e tagata hataki.

Tau fakailoaaga ke lata mo e levekiaga he magafaoa haau ke he magaaho nai he COVID-19, hanei e mena ke kumi ki ai:

<https://www.mentalhealth.org.nz/get-help/covid-19>

